



Philosophie, Ethik für Sek II

Filosofix

6. Il violinist

3:12 Minuten

- 00:05** T'immagina: ti ta sveglias in di e sentas: insatge na constat betg.
- 00:14** Nua, diavel, sun jau?
- 00:18** Tgi è quest um sper mai?
- 00:27** E pertge sun jau collià cun el cun uders?
- 00:34** Ina media declera la situaziun.
L'um sper tai è famus. El è in violinist da renum mundial.
- 00:46** El è dentant en privel da vita. El ha ina malsogna mortala dals gnirunchels. Dapi dis spetga el da survegnir sang. I fa prescha.
- 00:58** E lura, ier saira: in pèr da ses fans vegnan cun tai a l'ospital. Ti es l'unica persuna ch'ha precis la medema gruppa da sang sco el.
- 01:11** Da colliar vossas dus circulaziuns da sang è sia ultima schanza!
Ushiglio mora el. Ti pos salvar sia vita. Be ti.
- 01:20** Tge?
Tuttenina ta regordas ti: Ils fans dal violinist han rapinà tai ier saira e manà a l'ospital!
La media è perplexa: Ti es vegnì rapinà per salvar il violinist!
- 01:38** Ti provas da ta liberar. Davent da qua!
La media prova da calmar: Sche ti ta libereschas dals uders, mora il violinist. Ti al mazzassas! Quai na dastgas ti betg.
- 01:51** Ella prova da consolar: La terapia na va betg etern. Ella dura mo nov mais. Lura è il violinist puspè en furma e ti pos ir a chasa.
- 02:03** Pia: tge fas ti? Ta libereschas ti da las infusiuns? U tegnas ti la dira nov mais?
- 02:10** Tge vala dapli: Il dretg da viver dal violinist u tes dretg da decider sur da tia vita?
- 02:19** In dilemma sumegliant vesan intgins filosoffs tar in abort da gravidanzas betg giavischadas.
La vita da l'uffant anc betg naschì dependa lura da la dunna en speranza. Sco la vita dal violinist da tai.
- 02:37** Mess il cas ch'in uffant anc betg naschì haja in dretg da viver, lura pon ins far la dumonda: Tge dretg vala dapli?
Il dretg da viver dal fetus...
...u il dretg da decider da la dunna en speranza?